

«Igl ei buca legher, quei che schabegia momentan»

Avon in'jamna ha Mathilda Derungs da Glion lantschau in'acziun da solidaritad. Sco in'unda ei gl'agid vegnius, en fuorma da rauba e schizun da daners bluts. Damaun parta in camiun cun tschun tonnas material d'urgenza rimnada en Surselva per la populaziun dall'Ucraina.

AUGUSTIN BEELI/FMR

L'Ucraina ei in grond stadi, cun 603 548 km2 il pli grond dall'Europa. La solidaritad cumprova che quella naziun, liberada dall'Uniun sovietica gl'uostr 1991, s'audi tier l'Europa. Tut ils stadis dil vest e digl ost, cun milliuns carstgauns, ein consterni da quei che schabegia. L'offensiva brutala e stuorna irritescha, tentata e sveglia las emozziuns. L'jamna vargada ha *Mathilda Derungs* da Glion buca pli saviu restar ruasseivla, ella ha mess en moviment ina rimnada da material pils carstgauns pertuccai dall'uiara (mira LQ dils 2-3-2022). In'jamna pli tard ei rodund tschun tonnas rauba semtgada. Ella remisa dalla Viafier retica alla staziun da Glion han rodund 20 persunas luvrau sco furniclas. In'equipa da voluntarias e voluntaris ei seformada sponanamein enteifer paucas uras. Quellas persunas han pachetau, sortau ed etichettau tut igl uorden en scatlas conformas.

Gidau cun daners

Gl'agid ch'ella ha retschert vegn buca mo da Glion e dalla Foppa. «Da Mompé Tujetsch, da Val S. Pieder, ord Lumnezia e si da Panaduz ei la gliעד vegnida cun

rauba», raquenta Mathilda Derungs ed aschunta ch'ei hagi uss ella remisa silmeins 500 sacs da durmir. Ella ei commentada dall'unda gigantica da solidaritad pil pievel ucranes.

Is davos gis hagi la gliעד cuntinuau a purtar rauba, ed adina dapli maglias. La confidanza ei enorma. Ella hagi era survegniu daners da gliעד che ha giavischau ch'ins cumpri material e vivonda. «Cun rodund 1500 francs havein nus sa-



La gruppa da voluntarias che era fatschentada ier cun semtgar gl' uorden.

FOTO AUGUSTIN BEELI

viu cumprar maglias, mo cunzun buglieders d'aua e radiaturs per scaldar», raquenta Mathilda Derungs.

Giuvenils han seschau engaschar

All'entschatta haveva ella quintau da saver ir a Cuera cun ina camionetta pleina ch'ella vuleva surdar alla rimnada dall'uniun Agid all'Ucraina da *Retus*

Sgier e Maria Wolf-Beskorovaynly. Tut ei vegniu auter. Ussa va in camiun dalla Surselva direct a Berna. Quei che ha plaschiu specialmein all'organisatura da Glion ei che era giuvenils han seschau engaschar. Zacons scolars dil scalem superiuir ch'ei savens silla rampa dalla remisa per s'entupar cun cameratas e camerats han luvrau sco voluntaris. Els han purtau pacs, emplunau car-

tuns e duvrau lur forzas per l'acziun da solidaritad.

Gl'autist *Claudio Montalba*, in aug digl impressari da transports *Manuel Montalba*, parta damaun cul camiun viers Berna. «El ha manegiau ch'ei fagessi sennadad ir cul camiun direct a Berna enstagl da transcargar la rauba a Cuera.» Getg e fatg, la decisiun ei stada spontana e senza formalitads. Mathilda Derungs vul ac-

cumpignar il transport. «Jeu vi veser mezza nua ch'il material vegn a Berna e co il convoi per l'Ucraina vegn semtgau», gi la dunna ch'ei actualmein vicepresidente dil parlament communal da Glion. Ina dallas dunnas da sia squadra da voluntaris ella remisa aschunta: «Quell'uiara ei ina nova dimensiun per nus Europeans. Quei tucca nus emozionalmein sco mai».

«Quell'uiara ei ina nova dimensiun per nus Europeans. Quei tucca nus emozionalmein sco mai»

Voluntaria